



Mamec nenna qbel, takatalant nettat d ijj n tutlayt tarrumanect i d-yusin zi tlatinit.

Agemmay akatalan ħars 26 (setta u eicrin) n isekkilen: 5 (xemsa) n tiħra d 21 (waħed u eicrin) n trgalin.

Tamaziyt ħars agemmay-nnes, qqarn-as tiffinay, ħars 29 (tesea u eicrin) n trgalin d 4 (arbea) n tiħra. Angraw n tiħra amaziyt ħars tlata n tiħra timezwura mxedjafent: A, I, U. ħars ura d ijjt n tiħri tarawsant (niħ shewa) i yawsen deg imesli n tiħri tarawsant takatalant a/e i sedjħen i weshal ususru n tnayen (2) niħ tlata (3) n trgalin mesraddafent. Amedya tawwart niħ adlis.

Tiħra tikatalanin waxxa ħarsent 8 (tmenya) n imeslan mxedjafen, tarin-tent ħir s 5 (xemsa) isekkilen.

Imeslan d ina: **A**
A/E (tiħri tarawsant)
E (tarzem)
E (tbellee)
I
O (terzem)
O (tbellee)
U

Isekkilen d ina: **A**
E
I
O
U

Di tkatalant marra tiħra nihenti d isekkilen maci d ircamen nni i kis i traħen, asusru- nnsent ħars aetta d ijjen.

Tirgalin tikatalanin nihenti tina:

B C D F G H J K L M N P Q R S T V W X Y Z

Agemmay yekmel d wanita:

A B C D E F G H I J K L M N O P Q R S T U V W X Y Z

Tirgalin tikatalanin ħarsent timezra-nnsent cnaw asexdem usekkil n **P**, niħ tira temxedjef n isekkilen **B** d **V**, maca eħaħal rebda ħarsent asusru kif kif, niħ asexdem n usekkil **Ç** i ħa yedja asusru cnaw wenni n asekkil amaziyt n Sa (S / Ⓢ).

Nettaf ura d aselseq n tirgalin maḥend ad negg ca imeslan, cnaw ina:

- **L·L**, qqarn-as *ela geminada*, nettat cnaw asekkil amaziy n La (L / **ll**), asusru-nnes yegga cnaw wenni n tenayen n tirgalin. Ura di tmmurt tarifect n icebdanen ntaf iwaren cnaw *tamellalt*. Di takatalant yaney iwaren cnaw:

TRANQUIL·LITAT
COL·LEGI
INTEL·LIGENT

TARSA
AḤERBAZ
AMIḤIS

- **LL**, deg iwaren cnaw:

LLET
LLIBRE
LLOC

AḤI
ADLIS
AMCAN

Asusru-nnes yawes deg imesli usekkil amaziy n Yay (Y / **yy**)

- **NY**, amedya di:

CANYA
ENGANY
BANY

AḤANIM
ACMAT
ARCEN

Imesli-a wa yedji ca di tmaziyt.

- **TX** niy **IG** (s tnayen itsen ḡarsen asusru d ijjen). Amedya di:

COTXE
BUTXACA
ROIG
BOIG

ṬUMUBIN
JJIB
AZEGGWAY
ABUHALI

Asusru-nnes yawes deg usekkil n Yat (T / **tt**) xmi tili yelseq ḡar usekkil n Yac (C / **cc**); s tamaziyt neqqar Tc .

- **IX**, yawes deg imesli usekkil n Yac (C / **cc**), deg iwaren cnaw:

CUIXA
GREIX
VAIXELL

TAMESSAT
TADUNT
AḤERRABU

- Asekkil n **H** di tkatalant war ḡars la imesli la asusru, nttari-t maca war t-neqqar ca. S tmaziyt ḡars asusru-nnes.

- Asekkil n **R** xmi i ttili ḡar umeggaru wawal eḡaḡal eemmas ḡars asusru. S tmaziyt imesli-a ntteksi-t attas iman xmi d-ittas ḡar umeggaru n tuntiqt. Cnaw xmi nttari *anḡar* niy *aryaz* maca neqqar *anḡa* niy *ayaz*.